

1 enformaziuns y termins

Oraziun da Taizé: la proscima oraziun de Taizé ven tignida en vendres ai 18 de ma ales 20:00 tla capela a Oies. Al se trata de en n'ora olá ch'al ven perié, medité y cianté en forma de Taizé. Düc é der bel enviés a tó pert

Families: en sabeda ai 26 de ma ales 9:00 vegnel tigní söle ciamp dal sport d'Al Plan les Olimpiades dles Families. Tó pert pó mitans y mituns dla elementara y mesana de Mareo, deboriada con en genitur o zacai dla parontela (sora 18 agn). An se scrí ete a copies, al prisc de 15 € (da paié en chel dé). Tal prisc él ince la marena con boanda y n früt. Iscriziuns anter i 24 de ma pa Pablo, ☎ 333 4762010, ince tres SMS o Whatsapp, denn dant ennom, cognom y paísc dai partezipanc, y classe dal möt.

Sorvisc ai Jogn/1: dai pröm de ma él la poscibilité da se scrí ete al proiet JABA 2018. Cösc proiet i dá la poscibilité ai jogn y ales jones dai 13 ai 19 agn da podei daidé fora de söa bona te istituziuns publiches desvalies dla valada, dertan les vacanzas. Por vign'ora de sorvisc pó le partezipant abiné adöm bons (1 al'ora) co pó spo gní baratés ete pa deplü partner (restoranc, boteghes) dla Val Badia. Info: www.proiec.org/jaba.

Sorvisc ai Jogn/2: tal zenter dla joneza SaJ.un a La lla vegnel pité ai 19 de ma dales 10:00 ales 11:30 en parcours de prevenziun co reverda i temesc alcol, cioca y i risc, por jogn dai 13 ai 18 agn. Iscriziuns cina ai 17 de ma te SAJ, ☎ 0474 523070.

Ciasa de Palsa: la Ciasa de Palsa a San Martin met a disposiziun 5 cuartiers destinés a porsones sora i 65 agn ciamó autonomes y co ô vire por so cunt, con poscibilité d'avei le "sorvisc d'abité acompagné". Enformaziuns ciafeise tai ofizi dla Ciasa dal lönesc al vendres dales 8:00 ales 12:00 y dales 14:00 ales 17:00, ☎ 0474 524786.

13.5.2018 De Internazional al Museum Ladin con cöstes manifestaziuns. Al Museum Ladin Ciastel de Tor (davert dales 13 ales 18) él ales 14:30 y ales 16.30 la rapresentaziun dal teater por mituns „Rosalinda la stufosa“. Al Museum Ladin Ursus ladinicus a San Ciascian (davert dales 10 ales 18) esplorunse reperc naturalistics (10.30 – 11.15, 14.30 – 15.15, 15.30 – 16.15). Portede con os n obiet y i ti ciarun plü avisa sot al microscop. a S. Martin dales 13 ales 18. L'entrada é debann

Comun de Mareo/1: al ven lascé alessei che anter i 23 de ma pól gni dé jö les domandes por laoré pro le daz da Pederü.

Comun de Mareo/2: al ven lascé alessei che le Comun tól sö en praticant por i mensc d'isté tai ufizi dal Comun. La domanda é da ciagé sön la plata digitala dal Comun y é da dé jö anter i 31 de ma.

Comun de Mareo/3: chi co adora la detlaraziun por la scolina, scora elementara o mesana por la detraziun dales cultes 730 pó passé te comun anter i 8 de jügn; an pó ince s'la comané por e-mail: margareth.rubatscher@comun.mareo.bz.it

Döt le bun a:	Irma Daporta Barth, Graz	* 13.05.1923
	Giovanni Nepomuk Agostini, Valsperch	* 15.05.1932
	sr. Angelica Daverda, Legnano	* 17.05.1930
	Milio Winkler	* 17.05.1933
	Jan Brandlechner	* 18.05.1933
	Judita Burchia Kofler, Schenna	* 19.05.1938
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns cina le dedemesaledema sera a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



Ann B

13.05.2018 – PALSACRUS
GRAN FESTA DL'ASCENSIUN DAL SIGNUR

n. 24

**Jide da düc i popui, fajede fora de düc mi discepu.
Iu sun con os, düc i dis, cina ala fin dal monn.
Alleluia.**

☞ St.Ap 1, 1–11 | Ef 1, 17–23 | Ef 4, 1–13 | Mc 16, 15–20

Dal Vangelo do San Merch:

Te chel tomp ti é Gejú comparí ai önesc ¹⁵y ti á dit: Jide fora te döt le monn, y encündedi le vangelo a dötes les creatöres! ¹⁶Chel co crei y se lascia bacé ven salvé, mo chel co ne crei nia ven condané. ¹⁷Y tres chi, co é roés a creie, sozedarál chisc segns: Te mio ennom pararái fora demonns; ai bairá lingac nös, ¹⁸ai piará ete bisches y sc'ai ber tosser mortal, ne ti fajarál degün dann, y i amarés, a chi ch'ai ti met sö les mans, gnará varís. ¹⁹Do che Gejú, le Signur, ti á albü dit cösc, él gnü tut sö tal ci y s'á sonté a man derta de Dio. ²⁰Ei deperpo é piés ia y pordicâ endlunch. Le Signur i sostignia y confermâ l'encündaziun tres segns ch'al lasciâ sozeder.

Oraziun dal de

*Periun! Dio onipotent y etern,
emplescesse de ligreza y de
reconescionza, deache tal'ascenziun
a ci de to Fi nes aste inalzé ince nos
dlungia te: renforzesse tla confidonza
ch'i sun ince nos cherdés ala gloria te
chera che Crist nes é jü danfora,
el co é Dio y vir y regneia con te tl'unité
dal Spirit Sant por düc i secui dai secui.
– Amen.*

(Lezionar B)



☞ Letöres dla Gran festa de Pasca de Ma:

St.Ap 2, 1–11 | 1 Co 12, 3b–7.12–13 o Gal 5, 16–25 | Jan 20, 19–23
o Jan 15, 26–27; 16, 12–15

Edema liturgica dai 13.05. ai 20.05.2018

DOM 13.	GRAN FESTA DL'ASCENSIUN DAL SIGNUR PALSACRUSC - DE DLA OMA FESTA DLA PRÖMA SANTA COMEGNUN	<i>Santa Maria da Fatima, Servaz</i>
→ 10:30	i acompagnun les 2 mitans y i 7 mituns dla Pröma Santa Comegnun da paiun te dljia, gran messa en reingraziamont de Santa Maria, oma de Gejú y dai Angeli Custodi  <i>scolari</i>	
Lön 14.	<i>Bonifaz, (Matia apostul)</i>	
→ 19:30	corona de ma con l'Uniun dai Ei por perié do la fede	
Ded 15.	<i>Sofia, Sonia, Isidor, Friedrich</i>	
07:30	s.m. por †† Josef Kosta, Framacia s.m. por les families Brandlechner, Sotrú	
Dem 16.	<i>Johannes Nepomuck, Ubald, Adolf</i>	
18:00	<i>s.m. a Al Plan</i>	
Jöb 17.	<i>Dietmar, Walter</i>	
19:30	s.m. por i nüc Anita Elliscases y David Chizzali s.m. por les Püres Armes	
Ven 18.	<i>Jan I., Burkhard, Felix, Erich</i>	
07:10	<i>s.m. a Al Plan</i>	
Sab 19.	<i>Ivo, Zelestin V., Cuno</i>	
07:30	s.m. de reingraziamont por i 40 agn da noza de Tone y Marta Erlacher, Ombolt s.m. por vis y †† dla fam. Pedevilla, Soröa	
DOM 20.	GRAN FESTA DE PASCA DE MA	<i>Bernardin da Siena, Elfriede, Valeria, beata Josepha</i>
08:30	“Veni creator”, gran messa ciantada en onú dal Spirit Sant por döta la ploania <i>offerta por i debojügnis dla ploania</i>	
→	ores d'adoraziun: do messa cina les 10:30 Curt, 10:30 - 11:30 La Pli, 13:00 - 14:00 Pliscia	
14:00	espi da festa y benedisciun eucaristica	
15:00	funziun dal Bato de Nicholas Lerchner	
<i>ampola:</i>	por i mituns y les mitans dla Pröma Santa Comegnun	
<i>ministronc:</i>	▶ da doman y domegna: Noemi Costabiei y Eliane Pedevilla ▶ da sera y domegna: Alessia Costabiei y Angela Santolini	
<i>i recordun:</i>	Ida Peslalz Magrotti, Balsan	+ 15.05.2010
	Marianna Erlacher ved. Pedevilla, Al Plan	+ 18.05.2017



Tut sö al ci, por operé söla tera (Mc 16, 15–20)

I ponsi do

Gejú n'é nia plü da odei danter nos, söla tera.
Mo porchel romagnel empó present tla vita dles porsones deache sen metel man le tomp dla testimonianza y dla proclamaziun dal Vangelo, afidada ai discepu.
Cösc compit n'é nia ciamó fata: ince nos sun cherdés a ester testimoni y miscionari de Gejú.

I preii ensciö

T'es scomparí dla tera, abiteies sö al Ci, mo t'es entres dlungia düc nos. T'es sonté a man derta de Dio Pere, mo t'es ghest pa nosta mesa, compagn de iade sön nostes strades, amich co consoleia tal dolor.
Te t'an vas por gní endô glorius, ludicadú iüst, Signur dal univers.
Plens de speranza aspetunse che te vegni endô: i proun da mioré le monn con anuzié to Vangelo.
Dasse la forza da te ester fedei y le coraje da ne se stancé mai da te testimonié.

Festa dla oma

„Deache Chelbeldio ne sciafia nia da ester endlunch, àl cherié les omes”, dij n proverb arabich co sotlineia la gran emportanza dles omes por vigne singola porsona y por la comunité. Önn n de al'ann é tre' massa püch por di iolan de cösc. Le filosof franzeje Albert Camus scrí: “La oma é la pröma fontana dal amur ch'i podun sontí y tres chel ch'i emparun enstesc da amé. Porchel iolan! Vignedé!”



Stories de Adam y Eva cuntades ai mituns (9)



Eva, la bisca y le len (2)

Eva veiga le len; al ti fej la gola con sü früc – al é bel da ti ciaré. Ci co ciara fora tan bel, mess ince avei na bona saú! Eva é coriosa. Tan ienn oressera sei ci che ma Chelbeldio sa.
Eva á mans – ara podess cheie le früt. Ara foss bona da fá ci che Chelbeldio á proibí. Era pó tó la dezijiun.
Eva tól le früt de chel len y mangia. Adam é ince danló. Eva ti dá le früt y ince el mangia. La bisca n'á nia montí. Sü edli se daür, mo ai veiga ma ch'ai é desnüs.

Les porsones co á mangé le früt de chel len, cheres co ne s'á nia tigní al comandamont de Chelbeldio, n'é nia plü bones da se ciaré tai edli.
Adam y Eva se doda y se fej en ciaz con feies. *va ennant*



Vita de ploania y de paisc



La ploania tól pert ala ligreza de **Emma, Valentina, Andrea, Andreas, Christopher, Daniel, Francesco, Moses y Samuel** y söes families por la festa de söa Pröma Santa Comegnun y ti fej les miús aodanzes por söa vita en compagnia y tles mans de Gejú.